

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
Broj: 43 0 St 214576 22 St  
Zenica, 14.05.2026. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnim dužnikom Građevinsko dioničko društvo „ZVIJEZDA“ d.d. Visoko, u stečaju, ulica Alije Izetbegovića broj 55, Visoko, matični registarski broj subjekta upisa 43-02-0002-13 (stari broj 1-3738), rješavajući po prijedlogu stečajnog upravnika za zaključenje stečajnog postupka, van ročišta, dana 14.05.2026. godine, donio je:

#### R J E Š E N J E

Zakazuje se skupština povjerilaca za ponedjeljak, 06.07.2026. godine u 10:00 sati u zgradi ovog suda, sudnica broj 44/III, na koju se pozivaju stečajni upravnik i svi povjerioci stečajnog dužnika.

Na ročištu će se raspravljati o prijedlogu stečajnog upravnika za zaključenje stečajnog postupka nad stečajnim dužnikom zbog nedostatka stečajne mase u skladu sa čl. 196. Zakona o stečajnom postupku.

Rješenje će se objaviti u Službenim novinama F BiH i dostaviti na oglasnu ploču suda, a objavom rješenja smatrat će se da su svi povjerioci stečajnog dužnika obaviješteni o istom.

#### O b r a z l o ž e n j e

U stečajnom postupku nad stečajnim dužnikom Građevinsko dioničko društvo „ZVIJEZDA“ d.d. Visoko, u stečaju, ulica Alije Izetbegovića broj 55, Visoko, matični registarski broj subjekta upisa 43-02-0002-13 (stari broj 1-3738), stečajni upravnik je podneskom od 17.04.2026. godine predložio da se zaključi stečajni postupak zbog nedostatka stečajne mase sa izvještajima o poduzetim radnjama i aktivnostima.

Postupajući po prijedlogu stečajnog upravnika, sud je ovim rješenjem shodno odredbi čl. 190. st. 4. Zakona o stečaju („Sl. novine FBiH“ br. 53/21) zakazao skupštinu povjerilaca na koji je pozvao stečajnog upravnika i sve povjerioce, a na ročištu će se razmatrati izvještaj stečajnog upravnika o završnim radnjama u postupku i izvještaj o troškovima, te nakon toga odlučiti o zaključenju postupka.

Stečajni sudija

Samra Spahić-Drino

Pouka o pravnom lijeku:  
Protiv ovog rješenja posebna žalba nije dopuštena.